

٥- أعرّف منين إن إللي بيحصلي ده إبتلاء ولا جزاء؟

علشان نبسط الموضوع :

لما الورقه بتكون بيضاء .. النقطه السوده إللي فيها هتبان بسهولة ، لكن لو نقط كتيره سوده ، هتداري وهتسى مع الوقت إن الورقه كانت بيضاء أصلاً!

الورقه دي هي إنت .. بفطرتك ومبادئك ، والنقط السوده هي أعمالك الغلط وبتفرق من حد للتاني ..

مع أول نقطه سوده ، هتمسحها ولا هتسيبها لحد ما تتملي نقط ومتشوفش الأبيض أصلاً !!

كل ما كانت الورقه لسه بيضاء فهيبقى عندك البصيره إللي تتورك حياتك !

يعني إيه بصيره ؟

يعني ترى بنور الله ..يعني تعرف تشوف الحق من الباطل وتتبع الحق ..

لكن مبتوجدش من فراغ .. البصيره محتاجه علم وعمل !

البصيره بتيجي بالتقوى والمجاهده في العلم وفي تطبيق العلم
لعمل ..

(يَا أَيُّهَا الَّذِينَ آمَنُوا إِن تَتَّقُوا اللَّهَ يَجْعَل لَكُمْ فُرْقَانًا)

ساعتها رؤيتك هتفرق، هتقدر تشوف النقاط السوده في
صفحتك ..

هتفهم إن إلهي حصلك ده كان جزاء ونتيجة لفعلك ، ففتوب
منه وتعلم وتصلحه ..

أو هتفهم إن ده إبتلاء وسؤال من أسئله إختبارك في الدنيا
ومطلوب تذاكر وتحله صح علشان يعيدك ويحضرك لحاجة تانيه
صعب توصلها من غير السؤال ده ..

و في الحالتين دروس وفي الحالتين بتتعلم .. الموضوع مفتاحه
البصيره بعد رحلتك في العلم والعمل!

إلايه دي مهمه أوي :

(قُلْ إِن ضَلَلْتُ فَإِنَّمَا أَضِلُّ عَلَىٰ نَفْسِي وَإِنِ اهْتَدَيْتُ فَبِمَا
يُوحِي إِلَيَّ رَبِّي إِنَّهُ سَمِيعٌ قَرِيبٌ)

يوحي إليّ ربي!

ربنا بيوحي إليك وسميع وقريب وتقدر توصلك رسايه وده
طريقك للهدايه .. لكن محتاج البصيره ..

وده الطريق الوحيد .. إنك تسعى لصفحه بيضاء وتزيل كل
النقاط السوداء أول بأول وإلا هتوه مع نفسك وهتساب لأهوائك
وعقلك وتفقِد بُصلتك وهتعيش في ضلال إنت السبب فيه ..
إبدأ .. علم وعمل ..

